



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

Svmmarivm.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

# TRACTATUS DE SACRIS UTRIUSQUE SEXVS VIRGINIBVS,

Qui Apocalypf. 14. Agnum sequentes ante sedem Dei, hoc est ante  
Deiparam, canticum novum concinere dicuntur, in octo Se-  
ctiones distributus.

Virginum porro de quibus hic agitur Indicem ordine Alphabetico habes  
in fine.

## SUMMARIUM.

- Innumerabilia virginum utriusque sexus mul-  
titudo, qui in lege Evangelica virginitatis  
vexillum à Deipara erectum sunt secuti. Sect.  
1. n. 1.
- Ingens multitudo eorum, qui cœlibem vitam du-  
xere, ex quibus complures virgines exierunt.  
n. 5.
- Virorum exempla, qui Deiparam imitantes in-  
corruptum virginitatis florem custodierunt.  
Sect. 2. num. 13.
- Mulierum familiaritas, aspectus, colloquia, & co-  
habitatio diligenter cavenda. n. 19.
- Exempla virorum, qui pro castitatis integritate  
tuenda, quamvis graviter, & interdum ad  
mortem usque impugnati, strenue tamen de-  
certarunt. Sect. 3. n. 22.
- Virorum exempla, qui à mulieribus ad flagitium  
solicitati viriliter resistere. n. 25.
- Nonnullorum exempla, qui mori maluerunt, quàm  
illicito concubitu morbo suo mederi. n. 29.
- Mulieres, quæ Deiparam secuta virginali casti-  
monia claruerunt, & martyrii palmam sunt  
ademptæ. Sect. 4. n. 30.
- Virgines martyres in Hispania sub persecutione  
Arabica. n. 49.
- Mulierum exempla, quæ pro virginitate tuenda  
atrocissimis tormentis, & acerbissima neci se  
expoierunt. Sect. 5. n. 41.
- Virginum exempla, quæ pro tuenda pudicitia se-  
pissas deformarunt. n. 46.
- Quæ ratione complurium virginum pudicitia,  
Christi presidio, ab improborum vi, vel in ipse  
prostituto se servata. Sect. 6. n. 47.
- Virgines Christianæ ad Lupanar compulsæ, &  
mira arte à Christianis inde eductæ. n. 52.
- Mulieres, quæ exemplo Deiparæ virginitatis flo-  
rem involuam Christo obtulerunt, & ex hac  
vita in pace ad cœlestem sponsum commigra-  
runt. Sect. 7. n. 54.
- Aliquot alie virgines ex martyrologio. n. 67.
- Alie virgines extra martyrologium. n. 69.
- Conjuges, qui licet matrimonii legibus astricti,  
virginale tamen florem illa sum conservarunt.  
Ii etiam, qui aliquot in conjugio susceptis libe-  
ris, vitam deinde castam concordis voluntate  
duxerunt, vel qui conjugæ vitæ sumto secun-  
das nuptias detrectarunt. Sect. 8. n. 72.
- Conjuges, in quorum matrimonio virginitatis  
castimonia in utroque enituit. n. 73.
- Conjuges, qui ante matrimonium consummatum,  
altero conjugæ dimisso ad religionem se con-  
tulere. n. 77.
- Virgines nuptiæ traditæ, quæ ut corporis integri-  
tatem custodirent, viris continentiam persua-  
serunt. n. 79.
- Conjuges, qui aliqua suscepta prole, pari inter sese  
voluntate continentiam coluere. n. 81.
- Vidua, quæ ad secundas nuptias nulla ratione ad-  
duci potuerunt. n. 85.

**C**Um in capite 32. quod est de inteme-  
rata Deiparæ virginitate, explican-  
dum suscepimus, quomodo Apoc.  
14. cœtus ille felicissimus, ac maxi-  
mus



mus censum quadraginta quatuor millium virginum Agnum sequentium ante Dei sedem, hoc est, ante Deiparam, cujus virginitatem sunt æmulati, Canticum novum cantare scribantur: idcirco non ab re me facturum existimavi, si de ingenti hac virginum multitudine accuratius agerem, ut intelligamus hoc Deiparæ exemplum quantum in lege Evangelica valuerit ad tot homines permovendos, ut divina adnitente gratia illibatam Christo dicarent virginitatem. Rem in primis usque adeo arduam, atque difficilem, ut à Hieronymo in vita Malechi captivi, & epist. 8. martyrio assimilatur: *Habet, inquit, & pudicitia servata martyrium suum, idque meritum propter sensualitatis fomitem hostem domesticum, quem ex Apostolo ad Rom. 7. in nostris membris circumferimus, quiq; nos adeo pertinaciter impugnat, & in lege peccati captivare nititur; tum etiam propter vehementissimas Satanae tentationes, cujus balneus, teste Domino Job. 41. ardere facit prunas.*

Virginitas  
martyrio  
assimila-  
tur à S.  
Hieron.

Tractatio-  
nis series  
describitur

Quoniam verò dum ea, quæ ad hanc materiam illustrandam faciunt, scriptis mandaremus; tanta rerum copia, tot Sanctorum, qui virginitatem multiplici ratione servarunt, exempla sese obtulerunt, ut hæc tractatio mirum in modum aucta, in majorem, quam in initio statueramus magnitudinem exereverit: idcirco ne nimium ab instituto, quod in c. 52. erat de Deiparæ virginitate, digredi videremur, disputationem hanc veluti appendicem quandam ejusdem cap. 32. ab eo tamen capite avulsam, veluti opusculum per se distinctum, ad eadem totius operis rejiciendam duximus. Ex quo factum est, ut eum tractatio hæc in gloriam præcipuè Virginis Deiparæ, & in honorem Sanctorum virginum, tum virorum, tum mulierum, qui Deiparæ exemplum sunt secuti, conscribatur; idque ex eorum multitudine, ac varietate melius, magisque perspicitur, brevitate propositæ metas transilientes, aliquanto etiam uberius de hoc ageremus. ut plurima virginum exempla, tum ad ea, quæ tractamus confirmanda, tum etiam ad eorundem victorias summam saltem attingendas adduceremus. quippe qui Dei beneficio de propria carne, deque Satana sævissimo hoste non minus fortiter, quam gloriose triumpharunt; eaque de causa in Cælo præter gloriam essentialem, aureolam quoque virginitatis, & fructum insuper castitatis cælestium, qui virginibus debetur, sunt consecuti. Ut autem perpicuita-

ri consulamus, universam hanc disputationem octo sectionibus hoc ordine complexi sumus.

Primò, enim de iis, qui hoc vitæ genus elegerunt, aliqua generatim præmittemus.

Secundò, virorum exempla proponemus, qui virginitatis gloria floruerunt.

Tertiò, aliorum virorum fortitudinem admirabilem describemus, qui virginitatis integritatem contra aliorum petulantiam, & contra carnis blandientis illecebras viriliter sunt tutati.

Quartò, mulieres plurimas enumerabimus, quæ virginali pudicitia singulariter præfulserunt, & pro Christi fide martyrium fortiter subierunt.

Quintò, mulierum, quæ pro virginitate tuenda contra tyrannorum sævientium vim, atque impetum strenuè decertant, invictum animi robur exponemus.

Sextò, de complurium virginum pudicitia agemus, quæ à Tyrannis in Lupanis detrusæ divinitus à contumelia sunt servatæ.

Septimò, complures virgines recensebimus, quæ in pace Ecclesiæ perpetuæ virginitatis institutum sunt complexæ.

Octavò, denique nonnullos viros, ac mulieres, qui nuptiali vinculo colligati, illibaram tamen virginitatem coluerunt, commemorabimus; atque & his nonnullos conjuges, qui aliquot susceptis in matrimonio liberis, perpetuam inde communi consensu continentiam servarunt; quasdam etiam, quæ viris extinctis ad secundas nuptias transire neutiquam voluerunt.

Et ne cogamur in singulis, quos plurimos in medium afferimus; auctores qui hæc literis mandarunt, non abique Lectoris fastidio allegare; illud Lectorem monitum velim, ea quæ proferimus ex vitis eorundem, vel in Breviario, aut Martyrologio Romano, vel ex auctoribus probatis apud Surtium esse deprompta: quòd si quid aliunde acceptum sit, auctores indicabimus, servatis ferè, quo ad ejus fieri potuit, isdem auctorum

verbis.